

Mossi - Yel-wēnd Kūum Sebr Sōngo - Free from Death Scriptures

Rom Dāmba 6:23 Yel-wēnd sēn wat ne būmb ninga yaa kūum bala; la Wēnnaam kūuna sēn wat ne a soaba, yaa vūm sēn kōn sē, tōnd Soaala Zezi Krista maasmē.

Rom Dāmba 8:2 A Vuussem Sōng noora n kōt vūm a Zezi maasmē, la yē n fāag foom ne noor ninga sēn wata ne yel-wēnd la kūum.

2 Timote 1:10 Kūun kāng puka zānga ne tōnd Fāagd a Zezi Krista waoongo: bāmb n koms kūum zānga la b kit tū vūm la vuugr vēenem bui tōnd ne Koe-noogā.

Zoob 5:2 Sida, sū-toogo n kuud ka-yōod-soaba, tū zoe-bōn baasd yalma.

Oze 13:14 Tog n yū pakr ne maam tū m fāag-b kūum soolmē, Kūum, f basa f zab-teeda yēlē? Nimbāan-zoeer kōn zīnd ye.

Yūla 9:13(14) Zoe-y m nimbāanega, Soaala, ges-y m bēeba sēn paoogd maam to-to; yāmb sēn tōe n zāag-m ne kūuma,

Zoob 6:26 Yāmb bilgda y na yāe kegre m goama pugē wē? A ka-neng-soab goam me yaa bōe tū ka gom faad sobg sēn loogd ne bala?

Zoob 33:22 Wakat kāng la a kēnd n yegd a yaoogo, wakat kāng la b bas-a nin-kuudba nusē.

Ezekiyel 37:12,13 Yaa rē yīnga la fo na n taas-ba maam, Naaba-Wēnde, sēn kāabd-b būmb ningā: <M na n pagsa y yaadā n yiis yā, yāmba, m buuda neba, la m na n tū kēes-y-la Israyel, y tēn-peelmē. 13 M sā n wa pags y yaadā n yiis yā, y na reeg tū maam la Naaba-Wēnde.

A Matiye Sōng 27:52 yaad pagsame la nin-sōma wusg sēn da ki yīns vuugame.

Singrē 2:7 Soaala-Wēnd wa n yaga ninsala ne tēng yagdo. Vūm pemsem la b fuus a yōe bogdē tā tū rē n paam vūm.

Singrē 6:17 Ko-kēeng la m na n sik tēnga zugu, n sāam bōn-vūl fāa; tēng zug bōn-yooda fāa tog n kiime.

Singrē 7:15 Sēn naag-ba a Nowe n kē koglgā yū būmb fāa sēn ya neongo, n vuusd ne yōore la b kē-la b yiibu yiibu,

Singrē 7:22 Sēn vi-a ne yōor fāa, saaga tēngr, tēng zug, fāa kiime.

Zoob 12:10 Bōn-vūl fāa vūm bee bāmb nugē, bāmb pāng n tongd Adem biig fāa yōore.

Zoob 33:4 Wēnd n fuus b pemsem m yōorē, Pāng-Soaba maasmē la m vi.

Tūum-Tūmdba Vūm 17:25 Ka ninsaal nug n na n yiis būmb n kō-ba, wala būmb n paoog-b tū b rat ye, tū yaa bāmb n kōt vūm, vuussem la paoong fāa.

Yel Pukr Sebre 13:15 B kō-a-la tōogo tā kit tū Rūnga nin-naand lebg wa bōn-vūg menga n gomda, la a modg tū b kū neb niy়ns fāa sēn na n zāgs a waoogre.

A Zā Sōng 10:10 Wagdr yē watame bala n na n zu, n na n kodg la a kū. La mam yē waame n na n kō vūm la m kō-a tū gale.

A Izayi Sebre 28:15 Y yetame: «Tōnd yōga zoodo ne kūum, la d maana sardo ne bug-tēng rāmba. Y yetame tū yel-beed ning sēn wata kōn ta yāmb ye tū yāmb

tara y soondg ziiga, y mii y sēn na n yag zirē ninga n pōse, y mii y sēn na n padem padeng ninga.»

A Izayi Sebre 28:18 Woto yāmb ne m ba kūum zooda na sē, yāmb sarda ne bug-tēnga ka na n yals ye. Yel-beed ninga sēn na n fōd wa koom n wa wā la sēn na n kāag būmb fāa n loogā, na n wēneg n bedsa yāmb zāngā.

A Izayi Sebre 5:24 Ade, wala yamda sēn dit bugum to-to, wala bug-vilenga ne vāado, woto me b yēgna na n lebga tompēglem tī b wila go tom pēelga, la ya b sēn ka reeg dūni fāa Wēnda noor yīnga, yaa b sēn sābs Israyel Soaala gomde.

Zowel 1:12 Bugsuntund kvūme, kankams wākame, tūg ning sēn womda biis wa poaloangā, koanga, subdga la pūta tūg ba a ye ka ning biig ye; fāa zāgsa tobre. Sū-noog buud ka le be ninsaal sūurē ye.

Oze 13:15 A Efrayim be-la mo-pukē wā n paasd a paoongo. La sob-tvulgo n yit zī-steen-daagē n watē. Yaa Soaala n tum-a. Koom kōn le bul ye. Arzek fāa, sēn be yōod fāa na n loogame.

Yel Pukr Sebre 22:1 Dē poore maleka wilga maam vūm kvūga; a yaa pēelg wa ningetga la a ra bunda Wēnd la Pe-bila zaoora tēngre.

A Zā Sōng 4:10 Fo ka tēed tī m bee m Ba pugē tī m Ba me be m pugē laa? Goam niy়ns m sēn gom ne yāmba, m ka gom-ba m meng m toor ye. M ba sēn be m pugē wā, n maand b tvūma.

A Zā Sōng 4:14 Yāmb sā n kos-m būmb m yūvr yīnga, m na maane.

Yelbūna 13:14 Yam sōng sēn zāmsd a soaba wata ne vūm, t'a sōngdame tī f pōs kūum bēdgo.

Yelbūna 14:27 Naaba-Wend nif zoeese wata ne vūm, a sōngdame tī f gāndg f kūum bēdgo.

Ezekiyel 13:17-23 La foom, Ezekiyel, wēnemd n tees f buuda pagba sēn saad n gomd b meng-b-toore bāngr goama la luk b fāa bāongo. 18 Wilg-b tī yaa ne bāmba la maam, Naaba-Wēnd, gomd woto: <Yel-beed na n lūl-la y zugu. Pēel la yāmb wugd n loet neba nug-sūgsē. Y wugda nin-bēd la kom-bōones yīnga, pēel sēn na n lud neng n paam tī vūma lebg yāmb soolem. Bōe tī yāmb dat tī y meng vūma pa y soolmē tī neb a taaba rēnd yaool n lebgd yāmb soolem? 19 Maam, Naaba-Wēnd yeta yāmb pagbā tī y paoogda maam, m neba taoore, nug pugē alkam bēela la bur gūrse raab yīnga. N paas me, y sēn dōogd zirē n kōt m nebā sēn tēed yāmbā, y kvūda neb sēn pa tog ne kūum, la y basd vūse neb sēn pa tog n vūnde. 20 Yaa rē me yīnga la maam, Naaba-Wēnd, na n yik ne-yā, y pēela poorē, pēela sēn loet y taaba vūma pānga. M na n kēes-b lame n lood-b kamsē, la m na fāag y sēn yet tī y sēba b rāmb vūma. 21 M na n kēesa pēelā sēn vilnengā la m na fāag m buudā y nusē. Y kōn le soog-b ye la woto y na bāng tī maam la Soaala-Wēnde. 22 Yāmb zirē-beedā menesa nin-tūrsa raoodo. Ka bāmb la m yaool n da rat n sibg ye. Woto me y pirsa nin-wēnsā tī b kell n dīk b so-wēngā sēn wat ne b kūum. 23 Bāng-y tī y sēn yet tī y neeme wā sēeme. Y kōn le saa n yelg zirē-beed ye. M na n fāaga m buudā y nusē. La rē me la y bāngd tī maam la Soaala.» »

Zeremi 21:8 Soaala le kītame t'a Zeremi taas buuda koe-kānga: «M yalsda yāmb so-badgē. Soy a yiibu n dīg y taoore: vūm la kūum sore.

- Zoob 34:22 Lik ka be n ya lika n sāamd yāeebo, n sāamd tuum wēna yāeeb ye.
- Yūla 16:10 Y pa basd-m kūum soolmē ye, y ka basd y yamba nif meng t'a karg bog zulunga ye.
- Yūla 23:4 Ba m sora yegd bog-zulunga n yegd kūum, dabeem ka tar-m ye, tū m Soaala bee ne maam. M teega b roorā la b rasaarā pānga.
- Yūla 30:3(4) Soaala, y yiis-m-la bug-tēngä, yāmb le vuug-m lame ne m sēn da zoe n lebg yaoog būmbā.
- Yūla 49:15(16) Sā n ya maam, Wēnd n na n wa fāag-ma, bāmb n na n wa yiis-m bug-tēngä.
- Yūla 56:13(14) Yāmb fāaga maam ne kūum, salga ka paam n taas-m tēng ye. M le kēnda y taoore, n vi vēenemē ne nin-vūse.
- Yūla 68:20(21) Wēnd ning sēn kōt-d daooda la bāmba la bāmb n naag n pagdē la b pakd bug-tēng noore.
- Yūla 89:48(49) Ānda n na n vi n ka na n bāng kūum, la a ka na n bāng bug-tēng sor sēn dīkdē?
- Yūla 102:19,20(20,21) «B zīnda b ro-sōnga zug n sulg n gese, b zīnda yīngr n sulg n ges tēngä, 20(21)n sulg n kelg sēn be-b bi-bees roogē waasgo, n yet tū b ra ku sēn da tog-b ne kūuma ye.»
- Yūla 116:8 Y fāag-m la kūum nugē, Soaala, y zāaga m nini ne nintām, n tulg m nao ne lvūse,
- Yelbūna 10:2 Arzēk sēn paam ne tuum yoodo ka yōod ye, f sēn paam ne f tuum sōma bala n tōe n zā f vūm.
- A Izayi Sebre 26:19 M buudu, sēn ki-b yāmb maasmē wā na n vuvgame, m neba na n nekame. Sēn gāee-b tēngä tomē wā fāa gilli, la b na n kelma b sū-noogo. Dūni fāa Wēnd na n kitame tū vēenem sig wa meenem, tū tēngä na n lebsa kūmsā b vūm.
- A Zā Sōng 5:28,29 Bū y pēleng ra yik ye, tū wakat na n taame tū sēn be-b yaadē na n wūm b koēga 29 la b na n vuvgame: sēn maan-b neere na n vuvgā vūm vuvgre tū sēn maan-b wēnga vuvg buud yīnga.
- A Zā Sōng 10:28 Mam kōt-b la vūm sēn kōn se la b kōn ki abada la ned me kōn tōog n fāag-b mam nugē ye.
- A Zā Sōng 11:43,44 La b sēn gom woto, b moona ne koe-kāsenga: «Lazar, loog n yi yīngä!» 44La vugr bala, kūuma yiime la a nao wā ne a nusā ra ket n vila ne pēela la kāsenga ra ket n pila a neng t'a Zezi yeele: «Bū y lood n bas-a t'a kēne.»
- A Zā Sōng 12:17 Zāma ninga sēn zīnda ne a Zezi b sēn waa n bool a Lazar t'a yi kūms suka, zāma kāng n da wīngd ne kilsgu.
- A Zā Sōng 17:2 Y kōo Biiga tōog Adem biig fāa zugu. Bū neb niyns fāa yāmb sēn dīk n kō y Biigā, paam vūm sēn kōn se!
- 1 Korēnt Rāmba 15:19-26 Sā n ya tēng zug vūma yīng bal la d del Krista, tōnd la dūni wā fāa zu-buk rāmba. 20 La ayoo! Krista vuvgā kūms suka, la bāmb n deng kūmsa fāa. 21 Wala kūuma sēn tū nin-yend n wa dūni wā, kūmsa vuvgra me na n tūu ne nin-yend maasem. 22 Wala d fāa sēn tūud a Adem n bāng kūuma, woto me d fāa tūuda Krista n le vūnde, 23 ned kam fāa ne a wakato:

Krista n so taoore, tū bāmb la Bi-rēenga. Bāmb poor marsā neb niy়ns sēn ket n be bāmb soolmē, b waoonga raare. 24 Dē poore būmb fāa na n yāe-la a baasgo la yaa Wēnnaam Ba la Krista na n lebs b naama, b sēn wat n lub narntba, la soaalba la pān-dāmb buud fāa. 25 Y mi tū yaa tūle tū Krista rū naam n tāag wakat ning b naoā sēn wat n palg b bēeba zānga. 26 B yaoolem na-rta b sēn na n lubi, yaa Kūum.

2 Korēnt Rāmba 1:9,10 Sida tōnd meng d toore n sak tū b paalg tōnd d kūum buudo la woto d bāngame tū d ka tog n teeg d meng ye. Yaa Wēnd la d tog n teeg tū bāmb n vuvgd sēn ki. 10 Yaa bāmb n zāag tōnd ne kūum a woto buud dūnna, n na n le zāag-d beoogo.

2 Korēnt Rāmba 3:6 Tūga la mam sel yā, t'a Apolos zāgs-a koom la ka yū Wēnd n kō-a būvung laa?

Kolos Rāmba 1:21,22 Ba yāmb mense, pīnda yāmb me ra yaa bu-zēmba la Wēnd bēeba, ne yāmb tags wēnse la y tuum wēna; 22 ad yāmb me sēn paam tū b le maneg y yelle ne b yīng sēn bāng kūum pik zugu, sēn na n ylē tū y tōog n yals b taoore wa nin-sōma la neb sēn pa tar b toorē yelle.

Ebre Rāmba 2:9 Baasgo d neeme tū wakat ning b sēn waa n sik a Zezi bilfu malek rāmb taoorā, wakat kāng la tōnd yāet-b ne ziir la pēgr kāsenga, b sēn sak kūuma yīnga. Ne Wēnd sōngre, b sīd saka kūuma ne a tūsma, ninsaalb buud fāa yīnga.

Ebre Rāmba 2:14,15 Dilla ba-biisa sēn ya neong la zūm yēngā ra togame tū sēn wa-a ne fāagra me yū wa bāmba. B lebga boto n na n lub ne b kūuma ned ninga sēn waa ne kūum dūnia: Sutāana, 15 la b fāag neb niy়ns sēn da zī b yōor tēka, ne kūum dabeem wala yem-daado.

Ebre Rāmba 11:5 Yaa a tēeba yīnga la a Enok paam tū b yiis-a dūnia t'a pa bāng kūum ye; a waa n menema woto, tū Wēnnaam n loog ne-a. A sēn da waa n nan ka looge, a paama kaset t'a vūma taa Wēnnaam yam.

1 Piyer 3:18 Krista meng kii vugri, yel-wēna yīnga. Sēn ka tar-a yelle kii yell maandb yīnga, sēn na n ylē n tall-do n taas Wēnde. B yīngē wā la b lebg-bōn kunga, b sūgē wā b kell n yū bōn vīga.

2 Piyer 1:3 Wēnd ne b pānga kōo tōnd vūnd-ne-bāmb la waoog-bāmb yamleoogo. B puka tōndo Ned ninga sēn boola tōndo ne b pāng la b ziiri.

1 Zā 3:14 Tōnd yē miime tū d yii kūumē n kē vūmē, la rē yaa d sā n nong d saam-biisā.

1 Zā 5:11 La kaset kāng la woto: Wēnd kōo tōnd vūm sēn kōn se la vūm kāng be b Biiga nengē.

Yēl Pukr Sebre 21:6 A le paasame: «N-ye! Maam la A la O, Sīngre, la Baasgo, Tūusgo la Kuubo; ko-yūud sēn tara soab bī a wa tū m na kō-a vūm kooma t'a yū zaalem.